



Broj: 01/1-02-1122-5/23

Datum: 25.09.2023.godine

Na osnovu člana 69. stav (2) tačka d) i člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22), Pravilnika o javnim nabavkama Grada Visoko ("Službeni glasnik Grada Visoko", broj: 02/22), otvorenog postupka javne nabavke za pružanje usluga izrade Regulacionog plana „Dubrave” – Visoko pokrenutog Odlukom broj: 01/1-02-1122/23 od 26.07.2023.god. i objavljenog na Portalu javnih nabavki Obavještenjem o nabavci broj: 870-1-2-76-3-84/23 od 28.07.2023.god., donosim:

O D L U K U o poništenju postupka javne nabavke

I

Odlukom o izboru najpovoljnijeg ponuđača broj: 01/1-02-1122-3/23 od 29.08.2023.god. kao najpovoljniji ponuđač izabran je ROUTING d.o.o. Banja Luka.

Ponuđač ROUTING d.o.o. Banja Luka nije dostavio dokaze tražene tačkom II Odluke o izboru najpovoljnijeg ponuđača broj: 01/1-02-1122-3/23 od 29.08.2023.god.

II

Poništava se postupak javne nabavke.

III

Odluka stupa na snagu danom donošenja.

O b r a z l o ž e n j e

Grad Visoko je pokrenuo otvoreni postupak javne nabavke za pružanje usluga izrade Regulacionog plana „Dubrave” – Visoko Odlukom o pokretanju postupka broj: 01/1-02-1122/23 od 26.07.2023.god. Postupak je objavljen na portalu javnih nabavki Obavještenjem o nabavci broj: 870-1-2-76-3-84/23 od 28.07.2023.god. i u Službenom glasniku BiH broj: 54. od 04.08.2023.god.

U skladu sa članom 13. Zakona o javnim nabavkama BiH („Službeni glasnik BiH” broj: 39/14 i 59/22) i Pravilnikom o uspostavljanju komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 01/1-02-1122-1/23 od 26.07.2023.god., u sastavu:

- | | |
|------------------------------|--------------------------------------|
| 1. Adna Smajić, predsjednica | 1. Seid Burić, zamjenik predsjednice |
| 2. Suad Efendira, član | 2. Emir Bukurević, zamjenik člana |
| 3. Nermina Ridić, član | 3. Aida Omanović, zamjenik člana |
| 4. Zilha Sirčo, sekretar | 4. Abas Avdagić, zamjenik sekretara |

Zbog korištenja godišnjeg odmora sekretara komisije Zilhe Sirčo, otvaranju ponuda je pristupio zamjenik sekretara Abas Avdagić.

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da je ponuđač koji je dostavio ponudu preuzeo TD.

U roku za dostavljanje ponuda 22.08.2023.godine do 12:00 sati dostavljena je ponuda ponuđača:

1. ROUTING d.o.o. Banja Luka

Dana 22.08.2023.godine u 12:15 sati Komisija je pristupila otvaranju pristigle ponude.

Predsjednica Komisije je pročitala cijenu ponude i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	ROUTING d.o.o. Banja Luka	10.360,00	nema

Kada je riječ o dostavljanju kopije zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama ("Službeni glasnik BiH", broj: 39/14 i 59/22).

Komisija je pristupila pregledu i ocjeni ponude, te konstatovala sljedeće:

Ponuda ponuđača **ROUTING d.o.o. Banja Luka** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama. Kao dokaz ispunjavanja uslova za zaključenje ugovora iz tačke 12.3. Tenderske dokumentacije ponuđač je u ponudi dostavio Rješenje broj: UPI-02-23-2-63/15 F.Š. od 07.05.2019.god. izdato od Federalnog ministarstva prostornog uređenja i to kao običnu kopiju. Navedeno Rješenje je dostavljeno u skladu sa uslovom definisanim tenderskom dokumentacijom, s tim da je potrebno da se pozove ponuđač da isto dostavi kao ovjerenu kopiju.

U skladu sa navedenim Komisija je predložila Ugovornom organu donošenje odluke o izboru najpovoljnijeg ponuđača **ROUTING d.o.o. Banja Luka** sa cijenom ponude od 10.360,00 KM bez PDV-a.

Donesena je Odluka o izboru najpovoljnijeg ponuđača broj: 01/1-02-1122-3/23 od 29.08.2023.god., na osnovu koje izabrani ponuđač ROUTING d.o.o. Banja Luka nije dostavio dokumentaciju iz člana 45. Zakona o javnim nabavkama i dokaz iz tačke 12.3. Tenderske dokumentacije u ovjerenoj kopiji.

U skladu sa navedenim odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđač ima pravo da izjavi žalbu u roku od deset dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u tri primjerka.

Dostavljeno:

1. ROUTING d.o.o. Banja Luka,
2. Evidencija,
3. a/a.-



GRADONAČELNIK
mr.sc. Mirza Ganić dipl.ing.